



Broj/Број: 01/7, 02/3-50-1-188-2-8/05
Sarajevo/Сарајево: 03.03.2005.

ARLAMENTARNA SKUPŠTINA
BOSNE I HERCEGOVINE
PREDSTAVNIČKI / ZASTUPNIČKI DOM

Prilježeno: 03.03.2005			
Org. jed.	Broj	Titula	Vrijednost

B

ZAPISNIK

sa 8-e zajedničke sjednice Komisije za finansijske i administrativne poslove Doma naroda i Administrativne komisije Predstavničkog doma Parlamentarne skupštine Bosne i Hercegovine, održane u Sarajevu dana 03.03.2005. godine, sa početkom u 11,23 sati

PRISUTNI ČLANOVI KOMISIJE ZA FINANSIJSKE I ADMINISTRATIVNE POSLOVE DOMA NARODA: Osman Brka, Velimir Jukić, Mustafa Pamuk, Goran Milojević, Branko Zrno.

PRISUTNI ČLANOVI ADMINISTRATIVNE KOMISIJE PREDSTAVNIČKOG DOMA: Senija Kapetanović, Dušanka Majkić, Mubera Ušanović, Momčilo Novaković, Ivo Miro Jović, Vinko Zorić.

ODSUTNI ČLANOVI ADMINISTRATIVNE KOMISIJE PREDSTAVNIČKOG DOMA: Hazim Felić, Nikola Špirić, Jozo Križanović.

OSTALI PRISUTNI: Sekretar Zajedničke službe Sekretarijata Parlamentarne skupštine Bosne i Hercegovine Vedran Hadžović, Irena Šabović, volonter u Centru za istraživanje.

Za sjednicu je predložen

DNEVNI RED

1. Usvajanje Zapisnika sa 7-e zajedničke sjednice;
2. Razmatranje izvještaja Potkomisija;
3. Informacija o nalazu Ureda za reviziju;
4. Razmatranje:
 - a. Odluke o izmjenama i dopunama Odluke o načinu obračuna plaća i ostalih materijalnih prava poslanika i delegata u Parlamentarnoj skupštini Bosne i Hercegovine, broj: 01,02/7-126/00 od 11.aprila 2000. godine;

- b. Prečišćenog teksta Odluke o načinu obračuna plaća i ostalih materijalnih prava poslanika i delegata u Parlamentarnoj skupštini Bosne i Hercegovine, broj: 01,02/7-126/00 od 11.aprila 2000. godine;
- 5. Razmatranje:
 - a. Odluke o izmjenama i dopunama Pravilnika o plaćama i nadoknadama državnih službenika i namještenika u Sekretarijatu Parlamentarne skupštine Bosne i Hercegovine, broj: 01,02/7-02-289/00 od 23-eg novembra 2000. godine;
 - b. Prečišćenog teksta Pravilnika o plaćama i nadoknadama državnih službenika i namještenika u Sekretarijatu Parlamentarne skupštine Bosne i Hercegovine broj: 01,02/7-02-289/00 od 23-eg novembra 2000 godine;
- 6. Pravilnik o načinu i uvjetima korištenja internih i eksternih usluga- reprezentacije, PTT usluga, službenog vozila, službene odjeće, štampe i stručne literature u Parlamentarnoj skupštini Bosne i Hercegovine;
- 7. Razno:
 - a) Razmatranje Poslovnika Predstavničkog doma Parlamentarne skupštine Bosne i Hercegovine - kao nenadležne komisije;
 - b) Razmatranje prijedloga sekretara Zajedničkih službi u skladu sa zaključkom 7-e zajedničke sjednice;
 - c) Razmatranje Zahtjeva za odobrenje naknade dodatnih troškova iznad limita za korištenje mobilnog telefona, Zaključci 23-e sjednice Administrativne komisije Predstavničkog doma i 17-e sjednice Komisije za finansijske i administrativne poslove Doma naroda;
 - d) Razmatranje Zaključaka sa 25-e sjednice Administrativne komisije Predstavničkog doma vezano za zahtjev koordinatora za ECPRD;
 - e) Zakazivanje naredne zajedničke sjednice.

Osmu zajedničku sjednicu Komisije za finansijske i administrativne poslove Doma naroda i Administrativne komisije Predstavničkog doma Parlamentarne skupštine Bosne i Hercegovine otvorila je Senija Kapetanović, predsjedavajući Administrativne komisije Predstavničkog doma, te predložila dnevni red. Pošto je predložen dnevni red, predsjedavajući zajedničke sjednice Komisija pozvala je prisutne da daju svoje primjedbe, sugestije i prijedloge.

U skladu s naprijed navedenim, Dušanka Majkić predložila je dopunu dnevnog reda, tj. da se u predloženi dnevni red uvrsti tačka **AD-8** ili podtačka dnevnog reda **AD-7 f)- Razmatranje obračuna plaće i implementacije novog informacionog sistema**, a za izvjestioca po ovoj tački predložila je odgovorno lice u Ministarstvu finansija i trezora koje treba pozvati da bude prisutno kad se bude raspravljalo o ovoj tački dnevnog reda.

Pošto nije bilo više prijedloga, primjedbi i sugestija, predsjedavajući zajedničke sjednice Senija Kapetanović dala je na glasanje predloženi dnevni red s predloženom dopunom da se u dnevni red 8-e zajedničke sjednice Komisija uvrsti u tački **AD-7 podtačka f) - Razmatranje obračuna plaće i implementacije novog informacionog sistema**. Ovaj prijedlog jednoglasno je usvojen. Pošto je utvrđen dnevni red 8-e zajedničke sjednice Komisija, pristupilo se njegovom razmatranju po utvrđenim tačkama.

AD-1 Zapisnik 7-e zajedničke sjednice Komisije za finansijske i administrativne poslove Doma naroda i Administrativne komisije Predstavničkog doma Parlamentarne skupštine Bosne i Hercegovine usvojen je jednoglasno.

AD-2 Uvodno izlaganje o ovoj tački dnevnog reda dao je predsjedavajući 8-e zajedničke sjednice Komisija. Nakon uvodnog izlaganja u diskusiji po ovoj tački dnevnog reda učestvovali su: Mustafa Pamuk, Vinko Zorić, Momčilo Novaković, Aljoša Čampara, Osman Brka, Ivo Miro Jović, Dušanka Majkić, Senija Kapetanović, Velimir Jukić, Mubera Ušanović i Vedran Hadžović.

Nakon provedene diskusije o ovoj tački dnevnog reda, Komisije nisu imale jedinstven stav da li ovu tačku treba razmatrati na današnjoj sjednici s obzirom da se ona odnosi na predlagača Zakona o pravima i dužnostima članova Parlamentarne skupštine Bosne i Hercegovine i Administrativnu komisiju Predstavničkog doma Parlamentarne skupštine Bosne i Hercegovine. U skladu s navedenim, Administrativna komisija Predstavničkog doma Parlamentarne skupštine Bosne i Hercegovine jednoglasno je donijela

ZAKLJUČAK

Pitanje prava i dužnosti članova Parlamentarne skupštine Bosne i Hercegovine treba biti uređeno zakonom.

Ispred predlagača Zakona o pravima i dužnostima članova Parlamentarne skupštine Bosne i Hercegovine sjednici Ustavno-pravne komisije Predstavničkog doma Parlamentarne skupštine Bosne i Hercegovine, zakazanoj za 09.03.2005. godine, prisustvovat će:

- Vinko Zorić;
- Hazim Felić;
- Momčilo Novaković.

AD-3 Uvodno izlaganje po ovoj tački dnevnog reda dala je Senija Kapetanović. Nakon uvodnog izlaganja, u diskusiji su učestvovali: Vinko Zorić, Senija Kapetanović, Vedran Hadžović, Mustafa Pamuk, Dušanka Majkić, Osman Brka i Velimir Jukić. Nakon provedene diskusije o ovoj tački dnevnog reda, Komisije su jednoglasno usvojile

ZAKLJUČAK

Administrativna komisija Predstavničkog doma i Komisija za finansijske i administrativne poslove Doma naroda Parlamentarne skupštine Bosne i Hercegovine primaju k znanju primjedbe Ureda za reviziju finansijskog poslovanja institucija Bosne i Hercegovine, po Dopisima, broj: 01-02-504-1/04 od 20.09.2004. godine i broj: 01-400-617-2/04 od 03.12.2004. godine.

Zadužuju se stručne službe Sekretarijata Parlamentarne skupštine Bosne i Hercegovine da za narednu zajedničku sjednicu Administrativne komisije Predstavničkog doma i Komisije za finansijske i administrativne poslove Doma naroda Parlamentarne skupštine Bosne i Hercegovine sačine cjelovitu informaciju o svakoj tački nalaza Ureda za reviziju finansijskog poslovanja institucija Bosne i Hercegovine.

AD-4 a) Uvodno izlaganje o ovoj tački dnevnog reda dala je sekretar Administrativne komisije Davorka Čaplinski. Nakon uvodnog izlaganja o ovoj tački dnevnog reda pristupilo se razmatranju navedene Odluke po pojedinim članovima. U diskusiji o članu 16 Prijedloga Odluke o izmjenama i dopunama Odluke o načinu obračuna plaća i ostalih materijalnih prava poslanika i delegata u

Parlamentarnoj skupštini Bosne i Hercegovine, broj: 01,02/7-126/00 od 11.aprila 2000. godine, učestvovali su: Osman Brka, Vinko Zorić, Vedran Hadžović, Aljoša Čampara, Mustafa Pamuk, Senija Kapetanović, Ivo Miro Jović, Momčilo Novaković, Davorka Čaplinski, Mubera Ušanović i Dušanka Majkić.

Nakon sveobuhvatne diskusije o članu 16 citirane Odluke, prisutni članovi Komisija jednoglasno su utvrdili izmijenjeni tekst člana 16 koji glasi:

Član 16:

"U tački XVII Odluke dodaje se stav 3, koji glasi:

"Evidenciju o službenom putu, godišnjem odmoru, bolovanju i sl. poslanika Predstavničkog doma i delegata Doma naroda Parlamentarne skupštine Bosne i Hercegovine vode sekretari domova, a potpisuje je sekretar Zajedničke službe Sekretarijata Parlamentarne skupštine Bosne i Hercegovine."

U diskusiji o tekstu člana 15 citirane Odluke, kojim se uvodi Poglavlje 7a i tačka XVII a) učestvovali su: Momčilo Novaković, Dušanka Majkić i Vinko Zorić. **Po završenoj diskusiji, član 15 citirane Odluke ostao je nepromijenjen.**

Nakon diskusije otvorila se rasprava o prijedlogu da se u članu 22 citirane Odluke u tački XXII c) briše stav 4, u kojoj su učestvovali: Momčilo Novaković i Vedran Hadžović. U daljnjoj raspravi o ovom prijedlogu predloženo je također brisanje stava 5 tačke XXII c), te tačke XXII d) u kojoj je predloženo da se briše stav 3 i 4. U daljnjoj diskusiji o prijedlogu da se brišu stavovi u citiranim tačkama učestvovali su: Velimir Jukić, Vedran Hadžović, Senija Kapetanović, Mustafa Pamuk, Davorka Čaplinski, Ivo Miro Jović, Goran Milojević i Aljoša Čampara.

Nakon završene rasprave o navedenom prijedlogu, a prije izjašnjavanja o njemu, 8-a zajednička sjednica Komisije za finansijske poslove Doma naroda i Administrativne komisije Predstavničkog doma Parlamentarne skupštine Bosne i Hercegovine odgođena je do 14,45 sati.

Komisije su nastavile s radom u 15,15 sati.

Odmah po nastavljanju sjednice, na glasanje je dat prijedlog vezan za raspravu o članu 22 citirane Odluke tačke XXII c) i XXII d). **Prisutni su jednoglasno usvojili prijedlog da se u članu 22 u tački XXII c) citirane Odluke briše stav 4 i 5, te u tački XXII d) citirane Odluke briše stav 3 i 4.**

Pošto je završena rasprava o članu 22 citirane Odluke Senija Kapetanović predložila je, u okviru ove tačke dnevnog reda, a vezano i za tačku AD-5 dnevnog reda, ujednačavanje odredbi :

-tačke XX Odluke o načinu obračuna plaća i ostalih materijalnih prava poslanika i delegata u Parlamentarnoj skupštini Bosne i Hercegovine, broj: 01,02/7-126/00 od 11.aprila 2000. godine, Poglavlje 10. NAKNADA ZA SLUČAJ SMRTI, TEŠKE INVALIDNOSTI I BOLESTI, predloživši da se u stavu 1 tekst u trećem redu koji glasi "od tri mjesečne plaće isplaćene u prethodna tri mjeseca" zamijeni tekstem "od tri prosječne plaće isplaćene na nivou Parlamentarne skupštine Bosne i Hercegovine."

-i člana 14. (Nadoknada za slučaj smrti, teške invalidnosti i bolesti) Pravilnika o plaćama i nadoknadama državnih službenika i namještenika u Sekretarijatu Parlamentarne skupštine Bosne i Hercegovine, broj: 01,02/7-02-289/00 od 23. novembra 2000. godine, predloživši da se u stavu 1 tekst u drugom redu koji glasi "od tri mjesečne plaće državnog službenika isplaćene u prethodna tri mjeseca" zamijeni tekstem "od tri prosječne plaće isplaćene na nivou Parlamentarne skupštine Bosne i Hercegovine." Nakon uvodnog izlaganja predsjedavajućeg sjednice Komisija, dodatno obrazloženje o ovoj tački dala je sekretar Administrativne komisije Davorka Čaplinski.

U raspravi o navedenom prijedlogu učestvovali su: Vinko Zorić, Ivo Miro Jović, Velimir Jukić i Senija Kapetanović. Vinko Zorić je ujedno predložio da se tačka XX ne mijenja, a da se o članu 14 i prijedlogu vezanom za njega izjašnjava u okviru tačke AD-5. Prijedlog Vinka Zorića dat

je na glasanje. Prisutni su jednoglasno odbili predložene izmjene stava 1 tačke XX Odluke o načinu obračuna plaća i ostalih materijalnih prava poslanika i delegata u Parlamentarnoj skupštini Bosne i Hercegovine, broj: 01,02/7-126/00 od 11.aprila 2000. godine.

Nakon rasprave, Vinko Zorić otvorio je raspravu o članu 8 citirane Odluke. U raspravi o ovom članu učestvovali su: Senija Kapetanović, Aljoša Čampara, Vinko Zorić, Vedran Hadžović, Momčilo Novaković, Ivo Miro Jović, Dušanka Majkić, Mustafa Pamuk, Davorka Čaplinski i Osman Brka. Pošto je završena rasprava o članu 8 citirane Odluke, sekretar Administrativne komisije Davorka Čaplinski pročitala je utvrđene promjene teksta člana 8, i to:

-stav 1 briše se;

-stav 5 tačke VII Odluke o načinu obračuna plaća i ostalih materijalnih prava poslanika i delegata u Parlamentarnoj skupštini Bosne i Hercegovine, broj: 01,02/7-126/00 od 11.aprila 2000. godine, briše se. Član 8 sa citiranim izmjenama dat je na glasanje. Prisutni su sa 10 glasova "ZA" i 1 "UZDRŽAN" usvojili

**ODLUKU
O IZMJENAMA I DOPUNAMA
ODLUKE O NAČINU OBRAČUNA PLAĆA I OSTALIH MATERIJALNIH PRAVA
POSLANIKA I DELEGATA U PARLAMENTARNOJ SKUPŠTINI BOSNE I
HERCEGOVINE, broj: 01,02/7-126/00 od 11. aprila 2000. godine**

Član 1

Tačka I Odluke mijenja se i glasi:

"Ovom Odlukom utvrđuju se način obračuna plaća, iznos plaća i druga materijalna prava poslanika i delegata u Parlamentarnoj skupštini Bosne i Hercegovine, uključujući i naknade za: službena putovanja; odvojeni život, topli obrok, troškove prijevoza na posao i sa posla, godišnji odmor, otpremninu, slučaj smrti, bolovanje, korištenje hotelskog i privatnog smještaja, slučaj prestanka mandata i učenje stranih jezika.

Član 2

Tačka II Odluke o načinu obračuna plaća i ostalih materijalnih prava poslanika i delegata u Parlamentarnoj skupštini Bosne i Hercegovine (u daljem tekstu:Odluka) se briše.

Član 3

U tački III Odluke stav 1 mijenja se i glasi:

"Plaća poslanika i delegata u Parlamentarnoj skupštini Bosne i Hercegovine utvrđuje se prema koeficijentima složenosti i odgovornosti poslova."

Član 4

U tački IV Odluke u stavu 1 iza riječi "naroda" veznik " i " zamjenjuje se zarezom; iza riječi " doma" veznik "i " zamjenjuje se zarezom, a iza riječi "poslanika" dodaju se riječi "i delegata".

Član 5

U tački V Odluke stav 1 mijenja se i glasi:

" Osnovnu plaću poslanika i delegata čini osnovica za obračun plaće pomnožena sa koeficijentom iz tačke IV ove Odluke."

Član 6

Tačka VI Odluke se briše.

Član 7

U poglavlju Odluke - Mjesečni paušal stav 1 označava se tačkom VII.

Stav 1 poglavlja Mjesečni paušal mijenja se i glasi:

" Poslaniku i delegatu za vršenje poslaničke i delegatske dužnosti pripada mjesečni paušal. Visina paušala utvrđuje se množenjem osnovice plaće koeficijentom 3,50."

Član 8

U naslovu tačke VII iza riječi "ČLANOVE" briše se riječ "RADNIH."

Stav 1 tačke VII se briše.

Stav 2 tačke VII mijenja se i glasi:

"Imenovanim stručnjacima i svjedocima za potrebe komisija Parlamentarne skupštine Bosne i Hercegovine pripada naknada koja se utvrđuje množenjem osnovice koeficijentom 0,50. Ovako utvrđena naknada primjenjivat će se do njenog utvrđivanja propisom Vijeća ministara Bosne i Hercegovine u skladu sa zakonom."

Stav 3 tačke VII mijenja se i glasi:

"Licima iz stava 2 ovog člana pripada pravo na dnevnice, te naknadu troškova prijevoza i smještaja."

U stavu 4 tačke VII iza riječi "sekretari" briše se tekst "domova, odnosno sekretari radnih."

Stav 5 tačke VII briše se.

Član 9

Naslov tačke VIII Odluke koji glasi 5. "DNEVNICE ZA SLUŽBENA PUTOVANJA" mijenja se i glasi:

"5. NAKNADA TROŠKOVA SLUŽBENOG PUTOVANJA."

U ovom poglavlju Odluke uvode se podnaslovi: Dnevnice, u koje spadaju tačke VIII, IX i X Odluke; Troškovi smještaja u koji spada tačka XI Odluke; Izdaci za prijevoz, u koje spada tačka XII Odluke, Ostali izdaci, u koje spada tačka XIII Odluke, te Obračun putnih troškova, u koji spadaju tačke XIV i XV Odluke.

Član 10

U tački IX Odluke briše se stav 3.

Član 11

U tački XIII Odluke stav 1 se mijenja i glasi:

"Pod ostalim izdacima, koji nastaju u vezi sa službenim putovanjem u inozemstvo, podrazumijevaju se izdaci u vezi s pribavljanjem putničkih isprava, vakcinisanjem, ljekarskim pregledima i službenom poštom, te taksama."

Stav 3 tačke XIII Odluke se po sistematici premješta u tačku XIII a) s tim da se u stavu 3 tačke XIII Odluke u drugom redu zamjenjuje redosljed riječi "zadataka i poslova" tako da sad glase " poslova i zadataka."

Član 12

U Odluci se iza tačke XIII dodaje nova tačka XIII a), koja glasi:

"Izdaci za troškove na službenom putovanju obuhvataju naknadu za smještaj i ishranu, naknadu troškova prijevoza, telefona i telefaksa, stenodaktilografskih usluga i ostalih izdataka koji nastaju u vezi sa službenim putovanjem, a učinjeni su u skladu s ovom Odlukom.

Pod ostalim izdacima u skladu sa stavom 1 ove tačke, koji nastaju u vezi sa službenim putovanjem podrazumijevaju se nepredviđeni troškovi koji su u uskoj vezi sa svrhom službenog putovanja, a koji su nužni i neizbježni za uspješno obavljanje službenog putovanja i kao takvi učinjeni u dobroj vjeri, rukovodeći se savjesnošću i poštenjem (pažnja dobrog privrednika) da isti obuhvataju najnužnije troškove koji omogućavaju uspješno obavljanje službenog putovanja.

Nepredviđeni troškovi su troškovi koji se nisu mogli predvidjeti i na koje, kao takve, lice na službenom putovanju nije moglo uticati.

Lice koje je na službenom putovanju imalo nepredviđene troškove, dužno je odmah po povratku u zemlju, a najkasnije u roku od 7 dana, obratiti se pismenim zahtjevom, Administrativnoj komisiji Predstavničkog doma, odnosno Komisiji za finansijske i administrativne poslove Doma naroda Parlamentarne skupštine Bosne i Hercegovine, za priznavanje istih.

Nepredviđeni troškovi, ukoliko su posljedica nečinjenja ili propuštanja činjenja institucija Bosne i Hercegovine i njihovih zaposlenika, a terete budžetska sredstva Parlamentarne skupštine Bosne i Hercegovine, refundirat će se od institucije Bosne i Hercegovine koja je učestvovala u njihovom nastajanju, odnosno institucije Bosne i Hercegovine čiji ih je zaposlenik prouzrokovao, bilo zlom namjerom ili krajnjom nepažnjom.

Izdaci koji nastanu korištenjem telefona i telefaksa na službenom putovanju, a nužni su za obavljanje određenih poslova i zadataka, obračunavaju se na osnovu odgovarajućeg računa."

Član 13

U tački XIV Odluke u stavu 1, u drugom redu, riječ "pet" zamjenjuje se riječju "sedam."

Član 14

U tački XVI Odluke iza stava 3 dodaje se stav 4, koji glasi:

"Predsjedavajući domova i zamjenici predsjedavajućih domova Parlamentarne skupštine Bosne i Hercegovine koji imaju na raspolaganju službeno vozilo nemaju pravo na naknadu troškova prijevoza do mjesta prebivališta njihove porodice."

Dosadašnji stav 4 postaje stav 5.

Član 15

Iza poglavlja 7 Odluke dodaje se poglavlje 7 a) i tačka XVII a), koji glase:

" 7 a) NAKNADA ZA PRIJEVOZ

XVII a)

Poslanici i delegati koji su u profesionalnom radnom odnosu u Parlamentarnoj skupštini Bosne i Hercegovine, a ne koriste naknade za odvojeni život, smještaj i posjetu porodici, imaju pravo na naknadu troškova prijevoza na posao i s posla u visini mjesečne karte.

Član 16

U tački XVII Odluke dodaje se stav 3, koji glasi:

"Evidenciju o službenom putu, godišnjem odmoru, bolovanju i sl. poslanika Predstavničkog doma i delegata Doma naroda Parlamentarne skupštine Bosne i Hercegovine vode sekretari

domova, a potpisuje je sekretar Zajedničke službe Sekretarijata Parlamentarne skupštine Bosne i Hercegovine."

Član 17

U poglavlju 10. "NAKNADA ZA SLUČAJ SMRTI, TEŠKE INVALIDNOSTI I BOLESTI" Odluke, iza zarez a briše se tekst " TEŠKE INVALIDNOSTI I BOLESTI."

Član 18

U tački XX brišu se stavovi 2 i 3.

Dosadašnji stav 4 tačke XX postaje stav 2 koji se mijenja i glasi:

" Članom uže porodice u smislu stava 1 ovog člana smatraju se bračni i vanbračni supružnik, djeca (bračna, vanbračna, usvojena, pastorčad i dijete bez roditelja uzeto na izdržavanje) i roditelji-otac, majka, očuh, maćeha, usvojilac i hranilac."

Član 19

Iza poglavlja 10 Odluke dodaje se poglavlje 10 a i tačka XX a), koji glase:

"NAKNADA ZA BOLOVANJE

XX a)

Do donošenja zakona na nivou Bosne i Hercegovine o zdravstvenom osiguranju, za obračun bolovanja poslanika i delegata na stalnom radu u Parlamentarnoj skupštini Bosne i Hercegovine primjenjivat će se entitetski propisi iz ove oblasti.

Poslanici i delegati imaju pravo na naknadu plaće do visine jedne plaće za prvih 30 dana odsustva sa posla zbog bolesti ili invalidnosti.

Naknada iz stava 2 za bolovanje preko 30 dana obračunava se u skladu sa stavom 1 i 4 ove tačke.

Naknada za bolovanje koja ide na teret Parlamentarne skupštine Bosne i Hercegovine iznosi 90% od plaće poslanika, odnosno delegata."

Član 20

U tački XXI Odluke u stavu 1 iza iznosa 100 KM dodaje se tekst "i to koji je izabran nadmetanjem po pozivu."

Član 21

Tačka XXII Odluke mijenja se i glasi:

"Poslanici i delegati koji ostvaruju prava iz radnog odnosa u Parlamentarnoj skupštini Bosne i Hercegovine po prestanku mandata imaju pravo na naknadu plaće šest mjeseci od dana prestanka mandata i to po koeficijentu za obračun plaće koji su u momentu prestanka mandata ostvarivali, bez prava na povećanje koeficijenta, ukoliko do njega dođe.

Pravo iz stava 1 ovog člana ne ostvaruju poslanici i delegati koji imaju status penzionera, odnosno poslanici i delegati koji su umirili radni odnos."

Član 22

Iza člana 21 dodaje se član 21 a), koji glasi:

"Iza poglavlja 12 Odluke dodaje se poglavlje 12 a) i tačke XXII a), XXII b), XXII c), XXII d), XXII e), XXII f), XXII g) i XXII h), koji glase:

12 a) NAKNADE U SLUČAJU PRESTANKA MANDATA PRIJE OKONČANJA VREMENA NA KOJE JE IZABRAN POSLANIK ILI DELEGAT

XXII a)

Ukoliko poslanik ili delegat koji ostvaruje prava iz radnog odnosa u Parlamentarnoj skupštini Bosne i Hercegovine podnese ostavku, prestaje mu mandat u Parlamentarnoj skupštini Bosne i Hercegovine danom podnošenja ostavke.

Poslaniku ili delegatu kojem je prestao radni odnos po osnovu iz stava 1 ovog člana pripada pravo na naknadu plaće i ostale naknade obračunate u skladu sa ovom Odlukom do dana podnošenja ostavke.

XXII b)

Ukoliko poslanik ili delegat koji ostvaruje prava iz radnog odnosa u Parlamentarnoj skupštini Bosne i Hercegovine umre, njegovim nasljednicima isplatit će se u skladu sa ovom Odlukom i pravosnažnom sudskom presudom naknada plaće i ostale naknade obračunate do dana smrti poslanika ili delegata.

XXII c)

Ukoliko poslanik ili delegat koji ostvaruje prava iz radnog odnosa u Parlamentarnoj skupštini Bosne i Hercegovine bude pravosnažnom presudom osuđen na kaznu zatvora u trajanju od šest (6) mjeseci ili duže prestaje mu mandat u Parlamentarnoj skupštini Bosne i Hercegovine danom kad je presuda postala pravosnažna.

Poslaniku ili delegatu kojem je prestao radni odnos po osnovu iz stava 1 ovog člana pripada pravo na naknadu plaće obračunate u skladu sa ovom Odlukom i zakonom bez prava na povećanje koeficijenta ukoliko do njega dođe.

Poslanik ili delegat kojem je prestao mandat u skladu sa stavom 1 ovog člana gubi danom donošenja odluke jednog od domova pravo na naknade plaće (topli obrok, naknada za prijevoz i dr.), kao i ostale naknade utvrđene ovom Odlukom, a koje je poslanik ili delegat ostvarivao po osnovu radnog odnosa i mandata u Parlamentarnoj skupštini Bosne i Hercegovine.

XXII d)

Ukoliko poslanik ili delegat koji ostvaruje prava iz radnog odnosa u Parlamentarnoj skupštini Bosne i Hercegovine bude pravosnažnom presudom lišen poslovne sposobnosti prestaje mu mandat u Parlamentarnoj skupštini Bosne i Hercegovine, danom kad je presuda postala pravosnažna.

Poslaniku ili delegatu kojem je prestao radni odnos po osnovu iz stava 1 ovog člana pripada pravo na naknadu plaće u skladu sa ovom Odlukom i zakonom.

XXII e)

Ukoliko poslanik ili delegat koji ostvaruje prava iz radnog odnosa u Parlamentarnoj skupštini Bosne i Hercegovine bude izabran ili imenovan na dužnost čije je vršenje nespojivo sa dužnošću poslanika ili delegata, i kao takvo predviđeno zakonom, prestaje mu mandat u

Parlamentarnoj skupštini Bosne i Hercegovine danom imenovanja na dužnost koja je nespojiva sa dužnošću poslanika ili delegata.

Poslaniku ili delegatu kojem je prestao radni odnos po osnovu iz stava 1 ovog člana pripada pravo na naknadu plaće i ostale naknade obračunate u skladu sa ovom Odlukom i odlukom o prestanku mandata u Parlamentarnoj skupštini Bosne i Hercegovine.

XXII f)

Ukoliko poslanik ili delegat koji ostvaruje prava iz radnog odnosa u Parlamentarnoj skupštini Bosne i Hercegovine:

a) u periodu od najmanje dvije (2) godine prestane biti registrovan da glasa u izbornoj jedinici u kojoj je izabran;

b) iz razloga utvrđenih zakonom izgubi pravo da bude biran;

prestaje mu mandat u Parlamentarnoj skupštini Bosne i Hercegovine danom nastupanja razloga za prestanak mandata.

U slučaju iz stava 1 ove tačke, poslaniku ili delegatu pripada pravo na naknadu plaće i ostale naknade obračunate u skladu sa ovom Odlukom i odlukom o prestanku mandata u Parlamentarnoj skupštini Bosne i Hercegovine.

Član 23

U tački XXIII Odluke, u stavu 1, iza riječi "kursa" stavlja se tačka, a tekst "uz prethodnu saglasnost Komisije za administrativna pitanja" se briše.

Član 24

Tačka XXIII a) Odluke se briše.

Član 25

Tačka XXIII b) Odluke se briše.

Član 26

Poglavlje 14. Ostale naknade se briše.

Iza tačke XXIII b) u Odluci se dodaje novo poglavlje 14. koje glasi "Prijelazne i završne odredbe."

Član 27

U Odluci iza tačke XXIII c) dodaje se tačka XXIII d), koja glasi:

"O pravima utvrđenim ovom Odlukom odlučuje nadležna komisija doma.

Protiv odluke iz stava 1 ove tačke nije dozvoljena žalba, ali se može pokrenuti spor pred Sudom Bosne i Hercegovine."

Član 28

U Odluci iza tačke XXIII d) dodaje se tačka XXIII e), koja glasi:

"Izmjene i dopune ove Odluke vrše se na način i po postupku za njeno donošenje."

Član 29

U Odluci iza tačke XXIII e) dodaje se tačka XXIII f), koja glasi:

"Nakon dvije ili više izmjena i dopuna ove Odluke sekretar Komisije za finansijske i administrativne poslove Doma naroda i sekretar Administrativne komisije Predstavničkog doma Parlamentarne skupštine Bosne i Hercegovine sačinīt će prečišćeni tekst ove Odluke i dostaviti ga navedenim komisijama na verifikaciju.

Član 30

Odredbe:

- a) Člana 1-14. Ostale naknade, tačka XXIII a) i XXIII b) Odluke o izmjenama i dopunama Odluke o načinu obračuna plaća i ostalih materijalnih prava poslanika i delegata u Parlamentarnoj skupštini Bosne i Hercegovine, broj: 01/7,02/3-02-434/01 od 03.07.2001. godine;
- b) Odluke o dopuni Odluke o načinu obračuna plaća i ostalih materijalnih prava poslanika i delegata u Parlamentarnoj skupštini Bosne i Hercegovine, broj: 01/7-011-857-3/01 i 02/3-011-38/02 od 16.01.2002. godine;
- c) Člana 2 i 3 Odluke o izmjenama i dopunama Odluke o načinu obračuna plaća i ostalih materijalnih prava poslanika i delegata u Parlamentarnoj skupštini Bosne i Hercegovine broj: 01,02/7-126/00 od 04.05.2000., broj: 01/7,02/3-011-326-1/03 od 10.03.2003. godine; i
- d) Odluke o izmjenama i dopunama Odluke o načinu obračuna plaća i ostalih materijalnih prava poslanika i delegata u Parlamentarnoj skupštini Bosne i Hercegovine, broj: 01,02/7-126/00 od 04.05.2000., broj: 01/7,02/3-011-1299-4/04 od 23.09.2003. godine;

ostaju na snazi do donošenja akta kojim će se u cjelini urediti pitanja koja se regulišu citiranim odlukama.

Član 31

Ova Odluka stupa na snagu danom donošenja.

- b) U okviru ove tačke dnevnog reda prisutni članovi Komisija jednoglasno su donijeli

ZAKLJUČAK

Verifikacija prečišćenog teksta Odluke o načinu obračuna plaća i ostalih materijalnih prava poslanika i delegata u Parlamentarnoj skupštini Bosne i Hercegovine, broj: 01,02/7-126/00 od 11.aprila 2000. godine, izvršit će se na narednoj zajedničkoj sjednici Komisija.

AD-5 a) Uvodno izlaganje o ovoj tački dnevnog reda dala je Senija Kapetanović. Raspravu o ovoj tački otvorio je Momčilo Novaković primjedbom na član 10 Prijedloga Odluke o izmjenama i dopunama Pravilnika o plaćama i nadoknadama državnih službenika i namještenika u Sekretarijatu Parlamentarne skupštine Bosne i Hercegovine, broj: 01,02/7-02-289/00 od 23. novembra 2000. godine. U raspravi o članu 10 citirane Odluke učestvovali su: Davorka Čaplinski, Momčilo Novaković, Ivo Miro Jović i Aljoša Čampara. U okviru rasprave o članu 10 Prijedloga Odluke, a vezano za dopune člana 6 Pravilnika o plaćama i nadoknadama državnih službenika i namještenika u Sekretarijatu Parlamentarne skupštine Bosne i Hercegovine, broj: 01,02/7-02-289/00 od 23. novembra 2000. godine, (član 7 Prečišćenog teksta Pravilnika o plaćama i naknadama državnih

službenika i zaposlenika u Sekretarijatu Parlamentarne skupštine Bosne i Hercegovine) Senija Kapetanović predložila je da se dodaju novi stavovi 6 i 7 koji glase:

"U slučaju da u Sekretarijatu dođe do povećanja poslova koji nisu utvrđeni Pravilnikom o unutrašnjoj organizaciji Sekretarijata Parlamentarne skupštine Bosne i Hercegovine Kolegij Sekretarijata može donijeti odluku da se na navedenim poslovima dodatno angažira državni službenik ili zaposlenik.

Za obavljanje dodatnih poslova iz stava 6 ovog člana državnom službeniku ili zaposleniku Kolegij Sekretarijata može odrediti stimulaciju u iznosu do 30% na osnovnu plaću."

U daljnjoj raspravi o formulaciji člana 10 citirane Odluke učestvovali su: Vedran Hadžović, Senija Kapetanović, Momčilo Novaković, Mustafa Pamuk, Vinko Zorić, Velimir Jukić, Goran Milojević i Ivo Miro Jović. U toku rasprave o članu 10 prijedlog dopune stava 5 dali su: Momčilo Novaković, Ivo Miro Jović i Mustafa Pamuk. Pošto su Ivo Miro Jović i Mustafa Pamuk odustali od prijedloga, na glasanje je dat prijedlog Momčila Novakovića. Prisutni su jednoglasno usvojili da se u članu 10 u stavu 5 iza riječi "Sekretarijata" doda tekst:

"o kojoj će obavještavati Kolegije domova i nadležnu komisiju."

Pošto je završena rasprava o članu 10 citirane Odluke, predsjedavajući sjednice Senija Kapetanović podsjetila je prisutne na prijedlog izmjena i dopuna člana 14 Pravilnika o plaćama i nadoknadama državnih službenika i namještenika u Sekretarijatu Parlamentarne skupštine Bosne i Hercegovine, broj: 01,02/7-02-289/00 od 23. novembra 2000. godine, a člana 18 citirane Odluke. U skladu s prijedlogom uz tačku AD-4 i 5, Mubera Ušanović dala je prijedlog da se u stavu 1 i 2 člana 14 Pravilnika o plaćama i nadoknadama državnih službenika i namještenika u Sekretarijatu Parlamentarne skupštine Bosne i Hercegovine, broj: 01,02/7-02-289/00 od 23. novembra 2000. godine, doda tekst koji glasi:

"odnosno od tri prosječne plaće isplaćene na nivou Parlamentarne skupštine Bosne i Hercegovine, ako je to povoljnije za zaposlenog."

U diskusiji o ovom članu učestvovali su: Vinko Zorić i Senija Kapetanović. Pošto drugih diskusija nije bilo, na glasanje je dat prijedlog Mubere Ušanović. Prisutni članovi Komisija jednoglasno su usvojili prijedlog Mubere Ušanović da se u članu 14 stav 1 i 2 navedenog Pravilnika ugradi tekst "odnosno od tri prosječne plaće isplaćene na nivou Parlamentarne skupštine Bosne i Hercegovine, ako je to povoljnije za zaposlenog."

Nakon završene rasprave o članu 14 navedenog Pravilnika, Senija Kapetanović podsjetila je prisutne na predloženu dopunu člana 10 citirane Odluke, odnosno prijedlog da se u članu 10 navedene Odluke dodaju stavovi 6 i 7. O ovom prijedlogu raspravljali su: Mustafa Pamuk i Momčilo Novaković, koji je predložio da se u prijedlogu stava 6 iza riječi "zaposlenik" doda tekst koji glasi **"vodeći računa o ravnopravnoj opterećenosti zaposlenih i drugim relevantnim okolnostima,"** te Vinko Zorić. Nakon provedene rasprave na glasanje je dat prijedlog da se u članu 10 citirane Odluke dodaju novi stavovi 6 i 7, te da se stav 6 dopuni tekстом koji je predložio Momčilo Novaković.

Prisutni članovi Komisija jednoglasno su usvojili da se u članu 10 citirane Odluke dodaju stavovi 6 i 7 koji glase:

"U slučaju da u Sekretarijatu dođe do povećanja poslova koji nisu utvrđeni Pravilnikom o unutrašnjoj organizaciji Sekretarijata Parlamentarne skupštine Bosne i Hercegovine Kolegij Sekretarijata može donijeti odluku da se na navedenim poslovima dodatno angažira državni službenik ili zaposlenik, vodeći računa o ravnopravnoj opterećenosti zaposlenih i drugim relevantnim okolnostima

Za obavljanje dodatnih poslova iz stava 6 ovog člana državnom službeniku ili zaposleniku Kolegij Sekretarijata može odrediti stimulaciju u iznosu do 30% na osnovnu plaću. "

Pošto je utvrđen tekst Odluke o izmjenama i dopunama Pravilnika o plaćama i nadoknadama državnih službenika i namještenika u Sekretarijatu Parlamentarne skupštine Bosne i Hercegovine, broj: 01,02/7-02-289/00 od 23. novembra 2000. godine, isti je dat na glasanje. Prisutni članovi jednoglasno usvojili su

ODLUKU

o izmjenama i dopunama Pravilnika o plaćama i nadoknadama državnih službenika i namještenika u Sekretarijatu Parlamentarne skupštine Bosne i Hercegovine, broj: 01,02/7-02-289/00 od 23. novembra 2000. godine

Član 1

U naslovu Pravilnika o plaćama i nadoknadama državnih službenika i namještenika u Sekretarijatu Parlamentarne skupštine Bosne i Hercegovine, broj: 01,02/7-02-289/00 od 23. novembra 2000. godine (u daljem tekstu: Pravilnik) riječi "državnih službenika i namještenika" zamjenjuju se riječju " zaposlenih."

Član 2

U cijelom tekstu Pravilnika riječ "nadoknada" zamjenjuje se riječju "naknada" u odgovarajućem padežu.

Član 3

U cijelom tekstu Pravilnika naslovi u poglavljima stavljaju se ispred oznake člana.

Član 4

U članu 1 Pravilnika briše se naslov člana "Sadržaj."

U stavu 1 člana 1 Pravilnika u prvom redu riječi "državnih službenika i namještenika" zamjenjuju se riječju "zaposlenih," a u trećem redu riječi " državnih službenika" zamjenjuju se riječju "zaposlenih."

U članu 1 Pravilnika, stav 1 u drugom redu riječi "utvrđuje se kriterij" mijenjaju se i glase "utvrđuju se kriteriji."

Član 5

Naslov člana 2 Pravilnika - "Način utvrđivanja plaća" se briše.

Član 2 mijenja se i glasi:

"Zaposleni u Sekretarijatu Parlamentarne skupštine Bosne i Hercegovine (u daljem tekstu: zaposleni) imaju pravo na plaću u skladu sa ovim Pravilnikom."

Član 6

U članu 3 (Struktura plaća) Pravilnika stav 1 mijenja se i glasi:

"Polazna osnova za obračun plaća zaposlenih ista je i utvrđuje ju Vijeće ministara Bosne i Hercegovine.

U stavu 2 člana 3 riječi "državni službenici" zamjenjuju se riječju "zaposleni," dok se iza riječi "razreda" stavlja tačka i briše dalji tekst.

Član 7

U članu 4 Pravilnika u stavu 1, u prvom redu, iza riječi "člana" brojke "3.1." zamjenjuju se tekstem " 3 stav 1."

Član 8

Iza člana 4 dodaje se novi naslov i član 4 a koji glase:
" **Unapređenje zaposlenih**

Član 4a

1. Unapređenje zaposlenih u višu kategoriju vrši se u skladu sa podzakonskim aktima.
2. Zaposleni koji je unaprijeđen u višu kategoriju ima pravo na plaću obračunatu u skladu sa članom 4 ovog Pravilnika.
3. Odluku iz stava 1 ovog člana donosi Kolegij Sekretarijata."

Član 9

U stavu 1 člana 5 Pravilnika tekstualni dio mijenja se i glasi:
" Koeficijenti za obračun plaća zaposlenih su:"
Tabelarni dio člana 5 Pravilnika ostaje nepromijenjen.

Član 10

U članu 6, stav 2 Pravilnika mijenja se i glasi:

"Agencija za državnu službu, na prijedlog Kolegija Sekretarijata, daje mišljenje da li su ispunjeni uvjeti iz stava 1 ovog člana. "

Iza stava 2 ovog člana dodaju se stavovi 3, 4, 5, 6 i 7, koji glase:

" Po pribavljenom pozitivnom mišljenju od Agencije za državnu službu:

- a) nadležna komisija Parlamentarne skupštine Bosne i Hercegovine, na prijedlog Kolegija Sekretarijata, utvrdit će visinu naknade za privremeno obavljanje poslova na rukovodećim radnim mjestima;
- b) Kolegij Sekretarijata utvrdit će visinu naknade za privremeno obavljanje poslova ostalih državnih službenika.

U slučaju da se u Sekretarijatu ne mogu popuniti radna mjesta zaposlenika zbog nemogućnosti osiguravanja kadrova i specifičnosti poslova koje zaposlenik obavlja, zaposleniku koji privremeno obavlja taj posao povećava se osnovna plaća do 50%, u zavisnosti od nastalog povećanja obima posla, u skladu s Pravilnikom o unutrašnjoj organizaciji Sekretarijata Parlamentarne skupštine Bosne i Hercegovine.

Odluku iz stava 4 ovog člana donosi Kolegij Sekretarijata, o kojoj će obavještavati Kolegije domova i nadležnu komisiju.

U slučaju da u Sekretarijatu dođe do povećanja poslova koji nisu utvrđeni Pravilnikom o unutrašnjoj organizaciji Sekretarijata Parlamentarne skupštine Bosne i Hercegovine Kolegij

Sekretarijata može donijeti odluku da se na navedenim poslovima dodatno angažira državni službenik ili zaposlenik, vodeći računa o ravnopravnoj opterećenosti zaposlenih i drugim relevantnim okolnostima.

Za obavljanje dodatnih poslova iz stava 6 ovog člana državnom službeniku ili zaposleniku Kolegij Sekretarijata može odrediti stimulaciju u iznosu do 30% na osnovnu plaću. "

Član 11

Član 7 (Prekovremeni rad) Pravilnika mijenja se i glasi:

"Kolegij Sekretarijata može narediti zaposlenom u Sekretarijatu da radi prekovremeno u slučajevima utvrđenim Pravilnikom o radu.

Za obavljanje prekovremenog rada zaposlenom se utvrđuje naknada u iznosu od 30% na osnovicu plaće zaposlenog.

Naknada utvrđena ovim članom primjenjivat će se do donošenja odluke Vijeća ministara Bosne i Hercegovine o utvrđivanju naknada za prekovremeni rad."

Član 12

Član 8 (Vrsta naknada) Pravilnika mijenja se i glasi:

" Za zaposlene u Sekretarijatu utvrđuju se sljedeće naknade:

- a) troškovi prijevoza na posao i sa posla;
- b) ishrana za vrijeme rada;
- c) regres za godišnji odmor i plaćeno odsustvo;
- d) naknada u slučaju smrti;
- e) troškovi za stručno usavršavanje i obrazovanje;
- f) jubilarne nagrade;
- g) otpremnina pri odlasku u penziju;
- h) naknada za slučaj prekobrojnosti ili neraspoređenosti;
- i) dnevnicu za službena putovanja.

Rukovodeći državni službenici imaju pravo na naknadu:

- j) troškova selidbe;
- k) troškova za smještaj i odvojeni život."

Član 13

U članu 9 (Prijevoz na posao i s posla) mijenja se i glasi:

"

1. Zaposleni imaju pravo na naknadu troškova prijevoza na posao i s posla u visini mjesečne karte ili prema tenderu koji je provela Služba za zajedničke poslove institucija Bosne i Hercegovine za usluge u javnom prijevozu koji koriste."

Član 14

U članu 10 (Naknada za službena putovanja) u stavu 1 u prvom redu riječi "državni službenik ima" zamjenjuju se riječima "zaposleni imaju."

U stavu 4 člana 10 riječ "tačke" zamjenjuje se riječju "stava."

Član 15

Član 1 (Naknada za ukupne troškove odvojenog života) Odluke o izmjenama i dopunama Pravilnika o plaćama i nadoknadama službenika i namještenika u Sekretarijatu Parlamentarne skupštine Bosne i Hercegovine, broj: 01/7,02/3-011-1511-2/03 od 13.11.2003. godine mijenja se i glasi:

"Rukovodećem državnom službeniku, koji radi i boravi van mjesta stanovanja njegove porodice, koje je udaljeno najmanje 60 km od mjesta rada, pripada naknada za odvojeni život od porodice u visini od 400,00 KM.

Troškovi odvojenog života utvrđeni u stavu 1 ovog člana uključuju: ishranu, troškove prijevoza za dane u kojima se ne radi iz mjesta u kojem ima službeni stan do mjesta stalnog stanovanja i nazad, odnosno troškove putovanja u mjesto stanovanja njegove porodice u vrijeme nedjeljnog odmora, državnih praznika i neradnih dana.

Rukovodećem državnom službeniku koji ispunjava uvjete iz stava 1 ovog člana, pored utvrđene naknade, pripada i naknada u visini od 240,00 KM za troškove smještaja (zakupa stana).

Prava utvrđena ovim članom ostvarivat će članovi Kolegija Sekretarijata i savjetnici Kolegija oba doma Parlamentarne skupštine Bosne i Hercegovine."

Član 3 citirane Odluke se briše.

Član 16

U članu 12 (Naknada za ishranu tokom rada) Pravilnika u stavu 1 riječi "državnom službeniku" zamjenjuju se riječju "zaposlenim."

U istom članu u stavu 3 riječi "državnom službeniku" zamjenjuju se riječju "zaposlenom."

Član 17

U članu 13 (Regres za godišnji odmor i plaćena odsustva) Pravilnika, stav 1 mijenja se i glasi:

"Zaposleni imaju pravo na plaćeni godišnji odmor i odsustva u trajanju utvrđenom Pravilnikom o radu."

U istom članu, u stavu 2, u prvom redu, riječi "državnom službeniku" zamjenjuju se riječju "zaposlenom," a u trećem redu riječ "službenika" zamjenjuje se riječju "zaposlenog."

Iza stava 2 citiranog člana dodaje se stav 3, koji glasi:

"Odredbе stava 2 ovog člana primjenjivat će se do donošenja odluke Vijeća ministara."

Član 18

U naslovu člana 14 Pravilnika koji glasi "Naknada za slučaj smrti, teške invalidnosti i bolesti" iza riječi "smrti" briše se zarez i tekst " teške invalidnosti i bolesti," a umjesto njega dodaje tekst "zaposlenog ili člana njegove uže porodice."

U stavu 1 člana 14 Pravilnika riječi "državnog službenika" zamjenjuju se riječju "zaposlenog." U istom stavu u trećem redu iza riječi "mjeseća" dodaje se umjesto tačke zarez i tekst "odnosno od tri prosječne plaće isplaćene na nivou Parlamentarne skupštine Bosne i Hercegovine, ako je to povoljnije za zaposlenog."

U stavu 2 člana 14 Pravilnika riječi "državnog službenika" zamjenjuju se riječju "zaposlenog." U istom stavu u drugom redu iza riječi "mjeseća" dodaje se umjesto tačke zarez i tekst "odnosno od tri prosječne plaće isplaćene na nivou Parlamentarne skupštine Bosne i Hercegovine, ako je to povoljnije za zaposlenog."

Stav 3 člana 14 Pravilnika se briše.

Stav 4 člana 14 Pravilnika mijenja se i glasi:
 "Članom uže porodice u smislu stava 1 i 2 ovog člana smatraju se bračni i vanbračni supružnik, djeca (bračna, vanbračna, usvojena, pastorčad i dijete bez roditelja uzeto na izdržavanje) i roditelji - otac, majka, očuh, maćeha, usvojilac i hranilac."

Stav 5 člana 14 mijenja se i glasi:

" O načinu dodjeljivanja i iznosima naknada navedenih u stavovima 1 i 2 ovog člana odlučuje Kolegij Sekretarijata."

Član 19

U članu 15 Pravilnika (Naknada za troškove selidbe) dodaje se novi stav 3 koji glasi:
 " Pod troškovima selidbe u smislu odredbi ovog člana podrazumijevaju se troškovi prijevoza stvari prema priloženom računu prijevoznika."

Član 20

U članu 16 (Naknada troškova za stručno usavršavanje i obrazovanje) stava 1 mijenja se i glasi:

" Zaposleni imaju pravo na naknadu troškova za stručno usavršavanje i obrazovanje za potrebe posla.

U stavu 2 člana 16 u drugom redu riječi "državnog službenika" zamjenjuju se riječju "zaposlenih."

Član 21

U članu 17 (Jubilarnе nagrade) Pravilnika u stavu 1 u prvom redu riječi "državni službenik ima" zamjenjuju se riječima "zaposleni imaju."

U stavu 2 člana 17 iza riječi "Sekretarijata" dodaje se slijedeći tekst "do donošenja Odluke Vijeća ministara."

Član 22

Naslov "Troškovi zdravstvenog i invalidskog osiguranja" i član 18 u Pravilniku se brišu.

Član 23

U članu 19 (Naknada za otpremninu) u stavu 1 riječi "državni službenik ima" zamjenjuju se riječima "zaposleni imaju."

Član 24

U članu 20 (Naknada u slučaju prekobrojnosti ili neraspoređivanja) Pravilnika dodaju se stavovi 3 i 4, koji glase:

"U slučaju da sekretari domova i sekretar Zajedničke službe po prestanku vremena na koje su imenovani ne budu ponovo imenovani, ostvaruju pravo na naknadu plaće šest mjeseci od dana prestanka imenovanja i to po koeficijentu za obračun plaće koji su u momentu prestanka obavljanja funkcije ostvarivali, bez prava na povećanje koeficijenta, ukoliko do njega dođe."

U slučaju stavljanja zaposlenika na raspolaganje:

- do navršenih 15 godina radnog staža na period od dva mjeseca;
 - do navršenih od 15 do 25 godina radnog staža na period od četiri mjeseca;
 - preko navršenih 25 godina radnog staža na period od šest mjeseci
- zaposlenik ima pravo na plaću koju bi ostvario kao da je radio."

Član 25

Član 21 (Druge naknade) Pravilnika se briše, te njegove izmjene i dopune utvrđene članom 1-član 21, stav 1 i 2, Odluke o izmjenama Pravilnika o plaćama i nadoknadama državnih službenika i zaposlenika u Sekretarijatu Parlamentarne skupštine Bosne i Hercegovine, broj: 01/7,02/3-02-432/01 od 3.07.2001. godine.

Član 26

Iza člana 21 Pravilnika dodaje se novi naslov i član 21a koji glase:

" Naknada u slučaju bolovanja

Član 21a

Do donošenja zakona na nivou Bosne i Hercegovine o zdravstvenom osiguranju, za obračun bolovanja zaposlenih u Sekretarijatu primjenjivat će se entiteski propisi iz ove oblasti.

Državni službenik ima pravo na naknadu plaće do visine jedne plaće za prvih 30 dana odsustva sa posla zbog bolesti ili invalidnosti.

Naknada iz stava 2 za bolovanje preko 30 dana obračunava se u skladu sa stavom 1 i 4 ovog člana.

Naknada za bolovanje koja ide na teret Parlamentarne skupštine Bosne i Hercegovine iznosi 90% od plaće zaposlenog.

Do donošenja zakona na nivou Bosne i Hercegovine o zdravstvenom osiguranju, za obračun porođajnog bolovanja zaposlenih u Sekretarijatu primjenjivat će se entiteski propisi iz ove oblasti."

Član 27

"Poglavlje IV Pravilnika – NAMJEŠTENICI" se briše .

Član 22 (Plaće namještenika) Pravilnika se briše.

Član 28

U poglavlju IV (NAMJEŠTENICI) Pravilnika, "član 23 (Prava namještenika)" se briše.

Član 29

Iza člana 21a Pravilnika dodaje se novo poglavlje, novi naslov i član 21b koji glase:
"POGLAVLJE V

PLAĆE PRIPRAVNIKA

Član 21b

1. Plaća pripravnika se obračunava u skladu sa članom 4 ovog Pravilnika, za radno mjesto za koje se pripravnik osposobljava, umanjena za 20%."

Član 30

Član 23 a) uveden Odlukom o izmjenama Pravilnika o plaćama i nadoknadama državnih službenika i zaposlenika u Sekretarijatu Parlamentarne skupštine Bosne i Hercegovine, broj: 01/7,02/3-02-432/01 od 3.07.2001. godine se briše.

Član 31

Naslov člana 24 "Rješenja o plaćama" se briše.
 Član 24 Pravilnika mijenja se i glasi:
 "O pravima utvrđenim ovim Pravilnikom odlučuje Kolegij Sekretarijata."

Član 32

Iza člana 24 Pravilnika dodaje se član 24 a) koji glasi:

"Član 24 a)

Izmjene i dopune ovog Pravilnika vrše se na način i po postupku na koji je donesen."

Član 33

Iza člana 24 a) Pravilnika dodaje se član 24 b) koji glasi:

"Član 24 b)

"Nakon dvije ili više izmjena i dopuna ovog Pravilnika sekretar Komisije za finansijske i administrativne poslove Doma naroda i sekretar Administrativne komisije Predstavničkog doma Parlamentarne skupštine Bosne i Hercegovine sačiniti će prečišćeni tekst ovog Pravilnika i dostaviti ga navedenim komisijama na verifikaciju."

Član 34

Odredbe:

- a) Člana 1 - član 21 i 23 a) Odluke o izmjenama Pravilnika o plaćama i nadoknadama državnih službenika i namještenika u Sekretarijatu Parlamentarne skupštine Bosne i Hercegovine, broj: 01/7,02/3-02-432/01 od 03.07.2001.;
- b) Odluke o dopunama Pravilnika o plaćama i nadoknadama državnih službenika i zaposlenika u Sekretarijatu Parlamentarne skupštine Bosne i Hercegovine, broj: 01/7-011-857-2/01 i 02/3-011-38/02 od 16.01.2002. godine;
- c) Odluke o izmjenama i dopunama Pravilnika o plaćama i nadoknadama državnih službenika i zaposlenika u Sekretarijatu Parlamentarne skupštine Bosne i Hercegovine, broj: 01/7,02/3-011-326-2/03 od 11.03.2003. godine; i
- d) Odluke o izmjenama i dopunama Pravilnika o plaćama i nadoknadama državnih službenika i zaposlenika u Sekretarijatu Parlamentarne skupštine Bosne i Hercegovine, broj: 01/7,02/3-011-1511-1/03 od 13.11.2003. godine;

ostaju na snazi do donošenja akta kojim će se cjelovito urediti pitanja koja se regulišu citiranim Odlukama.

Član 35

Odluka stupa na snagu danom donošenja.

b) U okviru ove tačke dnevnog reda prisutni članovi Komisija jednoglasno su donijeli

ZAKLJUČAK

Verifikacija prečišćenog teksta Pravilnika o plaćama i nadoknadama državnih službenika i namještenika u Sekretarijatu Parlamentarne skupštine Bosne i Hercegovine, broj: 01,02/7-02-289/00 od 23. novembra 2000. godine, izvršit će se na narednoj zajedničkoj sjednici Komisija.

Pošto je završena rasprava o ovoj tački dnevnog reda, Vedran Hadžović podsjetio je prisutne na član 5 Pravilnika o plaćama i nadoknadama državnih službenika i namještenika u Sekretarijatu Parlamentarne skupštine Bosne i Hercegovine, broj: 01,02/7-02-289/00 od 23. novembra 2000. godine, te utvrđene koeficijente ovim članom pri tome naglasivši da odnos koeficijenata plaća nije dobro postavljen. Nakon ovog izlaganja Senija Kapetanović dala je prijedlog da se ovo pitanje pripremi za narednu sjednicu Komisija. U okviru ove diskusije javio se Ivo Miro Jović i vratio diskusiju na član 8 Prijedloga Odluke o izmjenama i dopunama Odluke o načinu obračuna plaća i ostalih materijalnih prava poslanika i delegata u Parlamentarnoj skupštini Bosne i Hercegovine, broj: 01,02/7-126/00 od 11. aprila 2000. godine, i predložio da u tački VII, umjesto da se briše stav 1, isti promijeni tako da glasi : **"Poslaniku i delegatu, članu komisije domova Parlamentarne skupštine Bosne i Hercegovine, za prisustvo i učešće u radu tri i više sjednica komisija pripada naknada. Visina naknade utvrđuje se množenjem osnovice plaće koeficijentom 0,25."** Ovaj prijedlog dat je na glasanje. Prisutni članovi Komisija jednoglasno su usvojili da se u član 8 citirane Odluke doda tekst koji glasi:

"Stav 1 tačke VII mijenja se i glasi:

Poslaniku i delegatu, članu komisije domova Parlamentarne skupštine Bosne i Hercegovine, za prisustvo i učešće u radu tri i više sjednica komisija pripada naknada. Visina naknade utvrđuje se množenjem osnovice plaće koeficijentom 0,25."

Prisutni članovi Komisija ovlastili su sekretare Komisija da ovu izmjenu člana 8 unesu u Odluku o izmjenama i dopunama Odluke o načinu obračuna plaća i ostalih materijalnih prava poslanika i delegata u Parlamentarnoj skupštini Bosne i Hercegovine, broj: 01,02/7-126/00 od 11. aprila 2000. godine, koja je usvojena pod tačkom AD-4.

Pošto je izvršena dopuna člana 8 navedene odluke, prisutni članovi Komisija vratili su se na raspravu o članu 5 Pravilnika. Aljoša Čampara dao je prijedlog da se koeficijent utvrđen za zvaničnike sa 6,00 poveća na 7,5. U raspravi o ovom prijedlogu učestvovali su: Vedran Hadžović, Momčilo Novaković, Mustafa Pamuk i Osman Brka. Nakon završene rasprave, prisutni članovi jednoglasno su usvojili:

"U tabelarnom dijelu člana 5 Pravilnika u prvoj koloni - "Zvaničnici (sekretari domova i sekretar Zajedničke službe) koeficijent 6,00 zamjenjuje se koeficijentom 7,5."

Sekretari Komisija ovlašteni su ovu izmjenu člana 5 Pravilnika unijeti u Odluku o izmjenama i dopunama Pravilnika o plaćama i nadoknadama državnih službenika i namještenika u Sekretarijatu Parlamentarne skupštine Bosne i Hercegovine, broj: 01,02/7-02-289/00 od 23. novembra 2000. godine, koja je prethodno usvojena u okviru ove tačke dnevnog reda.

AD-6 Uvodno izlaganje o ovoj tački dnevnog reda dala je predsjedavajući sjednice Senija Kapetanović. Nakon uvodnog izlaganja, u raspravi o ovoj tački dnevnog reda učestvovali su: Vedran Hadžović, Vinko Zorić, Senija Kapetanović, Momčilo Novaković, Goran Milojević, Branko Zrno, Osman Brka i Mustafa Pamuk.

Nakon provedene rasprave o ovoj tački dnevnog reda, prisutni članovi Komisija jednoglasno su donijeli

ODLUKU o osnivanju Potkomisije

I

Osniva se Potkomisija Administrativne komisije Predstavničkog doma i Komisije za finansijske i administrativne poslove Doma naroda Parlamentarne skupštine Bosne i Hercegovine koja će usaglasiti tekst Nacrta Pravilnika o načinu i uvjetima korištenja internih i eksternih usluga-reprezentacije, PTT usluga, službenog vozila, službene odjeće, štampe i stručne literature u Parlamentarnoj skupštini Bosne i Hercegovine.

II

U Potkomisiju iz tačke I ove Odluke imenuju se:

- 1.Mubera Ušanović,
- 2.Branko Zrno,
- 3.Momčilo Novaković.

III

Zadatak Potkomisije je da popravi i usaglasi tekst Nacrta Pravilnika o načinu i uvjetima korištenja internih i eksternih usluga- reprezentacije, PTT usluga, službenog vozila, službene odjeće, štampe i stručne literature u Parlamentarnoj skupštini Bosne i Hercegovine do 20.03.2005. godine.

IV

Prilikom utvrđivanja teksta Nacrta akta iz tačke III ove Odluke Potkomisija je dužna uzeti u obzir materijale koji su bili predviđeni za raspravu po ovoj tački dnevnog reda i to: pitanje kriterija za korištenje mobilnog aparata u službene svrhe savjetnika; naknada za mobilni aparat državnih službenika u skladu s prijedlogom datim na sjednici; naknada za internu i eksternu reprezentaciju u skladu s prijedlogom datim na sjednici; preispitivanje kriterija za nabavku štampe (sredstva, na čiji teret i sl.); raspraviti članove 42 i 43, te Dopis Sekretarijata, broj: 03-16-3-211/05 od 25.02.2005. godine.

V

Odluka stupa na snagu danom donošenja.

te u vezi s njom usvojili

ZAKLJUČAK

I

Potkomisija Administrativne komisije Predstavničkog doma i Komisije za finansijske i administrativne poslove Doma naroda Parlamentarne skupštine Bosne i Hercegovine za usaglašavanje teksta Nacrta Pravilnika o načinu i uvjetima korištenja internih i eksternih usluga-reprezentacije, PTT usluga, službenog vozila, službene odjeće, štampe i stručne literature u Parlamentarnoj skupštini Bosne i Hercegovine, prilikom izrade citiranog akta treba imati u vidu prijedlog da se pitanje reprezentacije i troškova korištenja mobilnog telefona u službene svrhe riješi na način kojim će se utvrditi godišnji iznos sredstava za ove namjene, kao i mjerila i kriterije za njihov utrošak, te postupanje u slučajevima kad se utvrđeni iznos prekorači prije završetka budžetske godine.

AD-7 a) Razmatranje Poslovnika Predstavničkog doma Parlamentarne skupštine Bosne i Hercegovine - kao nenadležne komisije;

Uvodno izlaganje o ovoj tački dnevnog reda dala je Senija Kapetanović predsjedavajući zajedničke sjednice Komisija. U raspravi o ovoj tački dnevnog reda učestvovali su: Mustafa Pamuk, Senija Kapetanović, Momčilo Novaković i Vinko Zorić.

Nakon završene rasprave, prisutni članovi Komisija jednoglasno su usvojili

ZAKLJUČAK

Skida se s dnevnog reda 8-e zajedničke sjednice Komisije za finansijske i administrativne poslove Doma naroda i Administrativne komisije Predstavničkog doma Parlamentarne skupštine Bosne i Hercegovine tačka AD-7 a) Razmatranje Poslovnika Predstavničkog doma Parlamentarne skupštine Bosne i Hercegovine - kao nenadležne komisije.

b) Razmatranje prijedloga sekretara Zajedničkih službi u skladu sa zaključkom 7-e zajedničke sjednice;

Uvodno izlaganje o ovoj tački dnevnog reda dala je predsjedavajući zajedničke sjednice Komisija Senija Kapetanović. Dodatno obrazloženje uz ovu tačku dnevnog reda dao je sekretar Zajedničkih službi Vedran Hadžović. U raspravi o ovoj tački dnevnog reda učestvovali su: Momčilo Novaković, Mustafa Pamuk, Osman Brka i Vedran Hadžović.

Po završetku rasprave o amandmanima na Zakon o radu u institucijama Bosne i Hercegovine ("Sl.glasnik BiH," br. 26/04), prisutni članovi Komisije za finansijske i administrativne poslove Doma naroda primili su ih k znanju, a prisutni članovi Administrativne komisije Predstavničkog doma jednoglasno su usvojili

AMANDMANE

na Zakon o dopuni Zakona o radu u institucijama Bosne i Hercegovine

AMANDMAN I.

Naziv Zakona mijenja se i glasi:

"Zakon o izmjenama i dopunama Zakona o radu u institucijama Bosne i Hercegovine."

AMANDMAN II.

Član 1. Zakona o dopuni Zakona o radu u institucijama Bosne i Hercegovine mijenja se i glasi:

U članu 16. iza stava 4. dodaje se stav 5., koji glasi:

"Izuzetno od odredbi stava 4. ovog člana radni odnos na određeno vrijeme na poslovima vezanim za mandat izabranog zvaničnika ili nosioca izvršnih funkcija u institucijama Bosne i Hercegovine može se zasnovati na period duži od dvije godine, a najviše do isteka mandata izabranog zvaničnika i nosioca izvršnih funkcija."

OBRAZLOŽENJE

Prihvatanjem ovog amandmana usaglasila bi se pitanja regulirana tačkom II., stav 4. Odluke o organizaciji Sekretarijata Parlamentarne skupštine Bosne i Hercegovine ("Sl.glasnik BiH," br. 5/00), kojom je regulirano na kojim se poslovima i radnim zadacima vrši prijem zaposlenika na određeno vrijeme do isteka mandata izabranih zvaničnika. Ujedno ovaj amandman usaglašava i rješenja drugih institucija Bosne i Hercegovine kad se radi o prijemu zaposlenika na određeno vrijeme do isteka mandata izabranih zvaničnika i nosilaca izvršnih funkcija s rješenjima u članu 16. Zakona o radu u institucijama Bosne i Hercegovine ("Sl.glasnik BiH," br. 26/04).

AMANDMAN III.

U članu 9. u stavu 1. iza tačke d) dodaje se nova tačka e), koja glasi:
"-zaposlenika iz člana 16. stav 5. ovog zakona;"

Dosadašnja tačka e) postaje tačka f).

OBRAZLOŽENJE

Ovaj amandman prati Amandman II.

e) Razmatranje Zahtjeva za odobrenje naknade dodatnih troškova iznad limita za korištenje mobilnog telefona, Zaključci 23-e sjednice Administrativne komisije Predstavničkog doma i 17-e sjednice Komisije za finansijske i administrativne poslove Doma naroda;

Uvodno izlaganje o ovoj tački dnevnog reda dala je Senija Kapetanović, predsjedavajući zajedničke sjednice Komisija. Dodatno obrazloženje uz ovu tačku dnevnog reda dao je sekretar Zajedničke službe Vedran Hadžović. U raspravi o ovoj tački dnevnog reda učestvovali su: Mustafa Pamuk, Vinko Zorić i Velimir Jukić. Nakon završene rasprave, prisutni članovi Komisija su sa 8 glasova "ZA" i 2 glasa "UZDRŽAN" usvojili

ZAKLJUČAK

Pojedinačne molbe državnih službenika koje se odnose na zahtjeve proizašle iz prava na naknadu za korištenje mobitela u službene svrhe, a odnose se na prekoračenja iznosa utvrđenih aktima Sekretarijata Parlamentarne skupštine Bosne i Hercegovine, neće se razmatrati.

Državni službenici kojim je, u skladu s aktima Sekretarijata Parlamentarne skupštine Bosne i Hercegovine, utvrđeno pravo na korištenje mobilnog telefona u službene svrhe troškovima treba da se uklapaju u iznos odobrenih sredstava.

d) Razmatranje Zaključaka sa 25-e sjednice Administrativne komisije Predstavničkog doma vezano za zahtjev koordinatora za ECPRD;

Uvod u ovu tačku dnevnog reda dala je predsjedavajuća zajedničke sjednice Komisija Senija Kapetanović. U raspravi o ovoj tački dnevnog reda učestvovali su: Vinko Zorić, Mustafa Pamuk i Vedran Hadžović. Nakon provedene rasprave, prisutni članovi Komisije za finansijske i administrativne poslove Doma naroda jednoglasno su usvojili

ZAKLJUČAK I

Nalaže se Gordani Slavnić da u roku od 3 dana od prijema ovog Zaključka izvrši pravdanje putnih troškova na Blagajni Računovodstva Parlamentarne skupštine Bosne i Hercegovine.

ZAKLJUČAK II

Skreće se pažnja članovima Kolegija Sekretarijata Parlamentarne skupštine Bosne i Hercegovine da u odluke za putovanje po pravilima ECPRD-a treba obavezno unositi klauzulu prema kojoj troškove putovanja i smještaja refundira organizator kako bi se izbjegle moguće nepravilnosti pri obračunu troškova putovanja.

ZAKLJUČAK III

Komisija za finansijske i administrativne poslove Doma naroda Parlamentarne skupštine Bosne i Hercegovine nalaže stručnim službama Sekretarijata Parlamentarne skupštine Bosne i Hercegovine da zahtjeve za refundaciju troškova putovanja od ECPRD-a odmah po upućivanju organizatoru dostavljaju i Računovodstvu Parlamentarne skupštine Bosne i Hercegovine.

e) Zakazivanje naredne zajedničke sjednice.

Ova tačka nije razmatrana.

f) Razmatranje obračuna plaće i implementacije novog informacionog sistema;

Informaciju o ovoj tački dnevnog reda dao je Vedran Hadžović. U raspravi o ovoj tački dnevnog reda učestvovali su: Vinko Zorić, Vedran Hadžović i Senija Kapetanović. Prisutni članovi Komisija primili su k znanju informaciju o ovoj tački dnevnog reda vezano za obračun plaće. Informacija o implementaciji novog informacionog sistema nije bilo s obzirom da se do završetka sjednice nije moglo osigurati prisustvo odgovornog lica iz Ministarstva finansija i trezora.

Osma zajednička sjednica Komisije za finansijske i administrativne poslove Doma naroda i Administrativne komisije Predstavničkog doma Parlamentarne skupštine Bosne i Hercegovine završena je u 17,45 sati.

Sastavni dio ovog zapisnika čini transkript 8-e zajedničke sjednice Komisije za finansijske i administrativne poslove Doma naroda i Administrativne komisije Predstavničkog doma Parlamentarne skupštine Bosne i Hercegovine, održane 03.03.2005. godine.

Sekretar Komisije za finansijske i administrativne poslove Doma naroda Aljoša Čampara	Prvi zamjenik predsjedavajućeg Komisije za finansijske i administrativne poslove Doma naroda Osman Brka
--	--

Sekretar
Administrativne komisije
Predstavničkog doma
Davorica Čaplinski

Predsjedavajući
Administrativne komisije
Predstavničkog doma
Senija Kapetanović